

të mernin pjesë të njëzet e pesë burrat që pamë më natë edhe "HALIA", domethënë "ka një burrë për shiëpi". Atje mereshin vesh për pajtimin e përgjithëshme të gjaqeve, për nonjë luftë, ose për nonjë çestje fort me rëndësi që i përkiste bajrakëve. Kapedani kryesonte në këtë mbledhje dhe ç' do vendim komunikoheshe me anën e tij. "HALIA" ka patur një rëndësi të madhe sepse ç' do vendim i marrë prej krerëve nuk munt të zbatohet në qoftë se këta, përfaqësuesit direkt të popullit, kishin një mendim të kundërt. Fjalën e fundit, për ç' do mos marrëveshje, e ka patur Kapedani, me gjithë që edhe ky ka patur fuqi të kufizuara.

Për regullimin e çestjeve lokale kanë qënë pleqtë, stërpleqtë dhe "HALIA". Për shëmbëll, në qoftë se në një katund dy shiëpi haeshin për kufit' e nonjë toke a të nonjë pylli etj., atëherë thrisnin nga dy pleq dhe këta u zgjithnin problemin me urtësi. Në rasë se këto shiëpi nuk binin më një mendje, çestja i referoheshe plakut të math i cili, së bashku me të katër pleqtë, jepte vendim. Për çestje me rëndësi munt të bëheshe referim ke bajraktari dhe ke Kapedani.

Passi merie funt gjyqi, të dy "lagjet" interesoëse "qitnin jaret e pleqnis", të cilat ishin 200 grosh për shoq; "U falshin ka një palë open-ga", siç i thoshin kësaj gjëje.